

四庫全書

子部

# 欽定四庫全書

子部

外臺秘要方卷四十

詳校官太醫院八品吏目臣黃發

編修臣倉聖脈覆勘

總校官進士臣繆琪

校對官庶吉士臣吳裕德

謄錄舉人臣范光謙

欽定四庫全書

外臺秘要方卷四十

唐 王燾 撰

熊虎傷人瘡方七首

肘後療熊虎爪牙所傷毒痛方

燒青布以熏瘡口毒即出仍煮葛根汁令濃以洗  
瘡日十度并搗葛根為散煮葛汁以服方寸匕日

五甚者夜二

文仲備急姚方小品刪繁古  
今錄驗並同千金方治虎咬

又方

嚼栗塗之

姚方文仲備急古  
今錄驗千金同

又方

煮生鐵令有味以洗瘡

姚方文仲備急古  
今錄驗千金同

又凡猛獸毒蟲皆受人禁氣今人將入山草中自宜先作禁以防之可不俟備而後療也其經術云到山下先閉氣三十五息所在山神將虎來到吾前乃存吾肺中有白帝出收取虎兩目塞吾下部中乃吐肺氣上自通

冠一山林之上於是良久又閉氣三十五息兩手捻都  
監目作三步步皆以右足在前乃止祝曰李耳李耳圖  
汝非李耳耶汝盜黃帝之犬黃帝教我問汝汝荅之云  
何畢便行一山虎走不可得見若卒逢之者因正而立  
大張左手五指側之極勢跳手上下三度於跳中大喚  
咄曰虎北斗君使汝去虎即走止宿亦先四向如此  
又方

雄黃

硫黃

紫石

右三物擣末以絳囊盛之帶以防用

本方無硫黃

集驗療熊虎傷人瘡方

取蒟蒻一大把剉碎以水一升漬須臾取汁飲之

餘瀼以敷瘡上

備急入山辟虎法

燒牛角羊角虎不敢近人

文仲肘後千金姚同出第八卷中

辨蛇一首

肘後云惡蛇之類甚多而毒有差劇時四五月中青蛇

蒼虺白頸大蜴六月中竹狩文蝮黑甲赤目黃口反鉤  
白蝱三角此皆蛇毒之猛烈者中人不即療多死第一  
有禁第二則藥今凡俗知禁者少縱尋按師術已致困  
斃唯宜勤事諸藥但或經行草路何由皆齋方書則應  
儲具所製之藥并佩帶之自隨天下小物能使人空致  
性命者莫此之甚可不防慎之乎

文仲備急同  
出第八卷中

### 禁蛇法三首

崔氏禁蛇法

路安滿  
所傳

有人被蛇螫者縱身不得自來但有報人至前使之坐問被螫何處即面已地依左右駢指頭指內第一節曲文頭側上仍心想口暗誦曰嚙蛇頭指蛇目望蛇鄉踏蛇足訖則放前人去待極遠然後緩放所指處即差

路安滿禁蛇法

五月五日從門東斜向南三步九跡四方取氣訖重向南方取氣即切切誦後咒文四十九遍於後



任所行用其遮吒呵迦吒僧禁吒嚩劍吒蛇毒死  
嚩劍嚴蛇毒爛若欲誦呪時須在月建上立喚被  
螫人當前立定然後轉背行七步仍頓足迴身向  
被螫人立掐指二所如了乃誦呪七遍即放所患  
者歸可一炊久放掐目也若不解呪蛇致死乃放  
掐目誦云吾庭前者木百尺無枝鳳皇在上資斯  
速出放汝去攝汝毒命寧收急急如律令

出第五  
卷中

古今錄驗禁蛇嚙方

高元海大  
李叅軍送

咒曰某郡某縣里男女姓名年若干於某年月日  
時於某處為某色蛇螫某處陰咒云你是已功曹  
我是亥明府你若不攝毒吾當掐你口閉氣隨想  
掐蛇口蛇口在食指第二節白肉際文以手大指  
甲掐之各自以其手屈食指掐之閉氣急掐若螫右  
手右手掐左手左手掐螫當中兩手盡掐急忘任  
放手腫處手刺去血即便差

出第四十五卷中

辟蛇法三首

肘後姚氏仙人入山草法辟蛇之藥雖多唯以武都雄黃為上帶一塊古稱五兩於肘間則諸蛇毒物莫之敢犯他人中者便摩以療之帶五蛄黃丸良以丸有蜈蚣故也人入山伐船有太赤足蜈蚣置管中繫腰又有鼃龜噉蛇帶其尾亦好鴟日喙彌佳禁法中亦有單行輕易者今疏其數條然皆須受而後行不爾到山車口住立存五蛇一頭乃閉氣以物屈刺之因左迴兩步思作蜈蚣數千以衣身便行無所畏也

張文仲備急同

集驗入山草辟衆蛇方

乾薑

生麝香

雄黃

右三味等分擣以小絳囊盛男左女右帶佩則蛇逆

者辟人為蛇所中便以療之如無射香以射蔞和帶

之療諸毒良

肘後千金文仲備急古  
今錄驗同出第九卷中

千金療入山辟衆蛇方

當燒羚羊角令烟出蛇則去矣

肘後同出第  
二十六卷中

蛇嚙人方一十四首

廣濟療毒蛇咬方

取慈孤草搗以薄之即差其草似鷺尾者是大效

出第五

卷中

肘後蛇咬毒腫方

乾薑末敷之燥復易之

備急文仲千金同

又方

灸嚙處三五壯則毒不能行

又方

搗射蔞塗腫上血出乃差

備急文仲  
千金同

又方

猪屎熬令焦末藍一把水三升煮取二升投屎攪

和以洗之差

文仲療蛇嚙方

搗雄黃末以敷之日三四度差

又方

取梳裏垢如指大長一寸以尿和敷之

又方

灸梳使汗出以熨瘡口即驗

備急千金同

又方

取雞屎二七枚燒作灰投酒服之差

千金同

必效療蛇咬方

五月五日前七日即齋不得食飲酒肉五辛仍先  
向桑下覓菟葵先知處記之至五月五日中時先  
手摸桑木陰一遍仍著上摸索之訖即以口嚙取

菟葵嚼使熟以唾塗手熟揩令遍五月七日潔齋  
如後七日內亦不得洗手後有蛇蠍螫者以手摩  
之即差止

又方

燒桑刀麝香少許和刀上以烙嚙處令皮破即差

又方

生蠶蛾陰乾為末敷嚙處孔中數易之其蛾有生

子者妙



又方

麝香

雄黃

半夏

巴豆

右四味等分為末敷之

又方

先以唾塗咬處熟揉生大豆葉封之

蛇螫方六首

肘後蛇螫人瘡已合而餘毒在肉中淫淫痛痒方

取大小蒜各一升合擣以熱湯淋取汁灌瘡中

同姚

崔氏療被蛇螫驗方

生椒 三兩

好豉 四兩

右二味以人唾和搗令熟用傅傷處須臾即差

又方

取獨鰓蒜截兩頭著螫處一頭大作艾炷灸之如此即愈未愈更灸以差為度

又方

取狼牙草六月已前用葉已後用根生咬咀以葉

裹煑火炮令熟用冷即易之

又方

取醋草熟搗以敷螫處仍將膩幘頭裹之數易其醋草似初生短嫩苜蓿苗是

又方

取遠志嚼令碎以敷之并內一片子於所螫瘡處孔中數易之

並出第五卷中

蛇毒方三首

救急療蛇毒方

雄黃

麝香

乾薑

右三味各等分搗研以蜜和為膏敷毒螫處良久舍  
中疑有蛇處取雄黃燒令氣散及蛇並走不住  
又方

取獨狼牙搗臘月豬脂和以敷毒上立差

又方

取荊葉以袋盛薄瘡腫處即差止

時後同

青蝱蛇螫方二首

小品療竹中青蝱蛇螫人方

雄黃

乾薑

右二味各等分擣篩以射蔞和之著小竹管中帶之

行有急使用敷瘡兼療諸蛇毒

千金同肘後有麝香為三味

肘後青蝱蛇論此蛇正綠色喜綠木及竹上與竹木色

一種人卒不覺若人入林中行脫能落頭背上然自不

甚嚙人嚙人必死那可屢肆其毒此蛇大者不過四五

尺世人皆呼為青條蛇其尾二三寸色異者名燭尾最烈療之方

破烏雞熟敷之

蝮蛇螫方一十首

肘後療蝮蛇螫人方

桂心 枯樓

右二味等分為末用小竹筒密塞之以帶行卒為蝮蛇所螫即敷之此藥療諸蛇毒塞不密則氣歇不中

用

文仲同

又方

急掘地作坎埋所螫處堅築其上毒則出土中須  
更痛緩乃出徐徐以藥療之

又方

搗小蒜絞之飲其汁以滓封瘡上

又方

取猪耳中垢著傷瘡中當黃汁出差牛耳中垢亦

可用之良

又方

嚼鹽唾瘡上訖灸三壯復嚼鹽唾上

備急療蝮蛇螫人方

燒蜈蚣末敷瘡上良

肘後同

又方

蠟及蜜等分於鑊中消令和以無節竹筒著瘡上以蠟蜜灌竹筒令下入瘡中差無蜜唯蠟用之亦得



又方

急尿瘡中乃援刀向日閉氣三步以刀掘地作小坑以熱湯沃坎中取泥作三丸如梧子大服之取

少泥塗瘡上

肘後同

文仲療蝮蛇螫人方

細辛

雄黃

右二味等分以內瘡中日三四敷之兼療諸蛇及虎

傷療良

又云蝮蛇形不長頭扁口尖頭斑身赤文斑亦有青黑色者人犯之頭腹貼相著是也東間諸山甚多其毒最烈草行不可不慎之又有一種狀如蝮而短有四脚能跳來嚙人東人呼為千歲蝮或中之必死然其嚙人畢即跳上林木作聲云研木研木者但營棺其判不救若云博叔博叔者猶可急療之吳音呼藥為叔故也

虺蛇螫方四首

古今錄驗療虺蛇毒方

擣葵根以敷之

肘後療虺蛇衆蛇螫人方

以頭垢敷瘡中

張文仲備急同

又方

以兩刀於水中相摩良久飲其汁痛即止

備急張文仲同

又方

擣葎草以敷之立愈神良

衆蛇螫方七首

集驗療衆蛇螫人方

取紫莧菜搗飲汁一升滓以少水和塗瘡上又搗

冬瓜根以敷之

肘後千金同

又方

取常思葉搗取汁飲一升以滓敷瘡上又以鬼目

葉薄之止痛

肘後云搗鬼針草敷上並出第九卷中

文仲療衆蛇螫方

嚼乾薑薄瘡上不過三四差又煮吳茱萸湯以漬

瘡上立差

集驗同

又方

搗生蓼絞汁飲之少少以滓薄瘡上又按藍青薄之

又方

搗大蒜塗之以少鹽豉合搗尤佳

備急集驗古今錄驗同

又方

以繩縛瘡上一寸許即毒氣不得走便令人以口

啍所螫處取毒數唾去之毒盡即不復痛口啍當

小腫無苦狀

備急同

又云此衆蛇者非前件三種也謂赤虵

音連

黃領之類復

當六七種不盡知其名水中黑色名公蠃山中一種亦相似並不聞螫人有鈎蛇尾如鈎能倒牽人獸入水後而食之又南方有叕蛇人忽傷之不死終身伺覓其主雖百人衆中亦直來取之唯遠去百里乃免耳又有拖長七八尺如拖毒中人必死即削取船拖煮漬之便愈

凡大蛇多是神不可妄殺之又額上有白色狀如王字者有靈或有角形者此是欲變為龍也凡青蝱中人立死蝮中人一日死虺毒急於衆蛇不早療之多殘斷人手足藥不可以一法宜審按之

並出第八卷中

蜘蛛咬方六首

廣濟療蜘蛛咬方

取生鐵衣以醋研取汁塗之差

肘後同

又蜘蛛咬作瘡頻療不差方

取蘿摩草擣如泥封之日二三毒化作膿膿出頻  
著勿停

又方

棗葉

栢葉

各五月五日採陰乾

生鐵衣

晚蠶沙

右四味各等分擣散以生麻油和如泥先灸咬處塗

之差

並出第五卷中

千金療蜘蛛咬人方



以烏麻油和胡粉如泥塗之乾則易之取差止

後肘

同出第二十六卷中

備急療蜘蛛咬人方

取羊挑葉擣敷之立愈

肘後同

又方

以蒜切作兩斷以措之又以蒜摩地取泥塗之

文仲

同並出第八卷中

蜂螫方一十首

欽定四庫全書

外臺秘要方卷四十

十六

肘後療蜂螫人方

取人溺新者洗之差

備急文仲必效刪繁同

又方

斫穀木取白汁塗之桑汁亦良

備急文仲小品古今錄驗同

又方

煮蜂房洗之又燒灰末以膏和塗之

千金同本方云燒羊角灰

苦酒和塗之

又方

刮齒垢塗之

備急文仲千金同

千金治蜂螫方

蜜五合

蠟二兩

猪脂五合

右三味和煎如膏候冷以塗之甚良

一云稍稍食之

又方

以淳醋沃地取泥塗之

又方

以尿泥塗之

欽定四庫全書

外臺秘要方卷四十

十七

又方

取蛇皮以蜜塗之炙令熱以貼螫處效又以醬汁

塗蛇皮炙以封之甚效

並出第二十六卷中

必效療蜂螫方

擣青蒿封之亦可嚼用之

肘後同

又方

近用薄荷按貼之大效蜀中用驗

並出第六卷中

蜈蚣螫方八首

肘後療蜈蚣螫人方

割雞冠取血塗之差

備急文仲刪繁必效同

又方

嚼鹽塗之效又以鹽拭瘡上蜈蚣未遠不得去

備急

小品文仲古  
今錄驗同

又方

嚼大蒜若小蒜或桑白汁以塗之亦以麻履底土

措之良

小品備急文仲必效古今錄驗同

又方

按蛇衛草封之佳

備急療蜈蚣螫人方

按藍汁以漬之即差蜈蚣不甚嚙人甚亦微殊輕  
於蜂當時小痛易歇脫為所中幸可依此療之藥  
家皆用赤足者今赤足者螫人乃痛於黃足者是  
其毒烈故也

張文仲肘後同

又方

取屋中土以水和敷之

小品同

崔氏療蜈蚣螫人方

趁雄雞令走以雞嘴氣呵之數易雞立差

張文仲療蜈蚣螫人方

取錫灸令熱以熨之不越十度即差

出第十卷中

蠍螫人二十七首

廣濟療蠍螫毒方

搗蒜塗之

崔氏備急同

又方

半夏以水研塗之亦止

又方

呪曰一名蒿枝一名薄之傍他籬落螫他婦兒毒氣急去不出他道你愚癡急急如律令

並出第五卷中

集驗療蠍蟲螫人方

余身經遭此毒手指痛苦不可忍諸法療皆無效有人見令以冷水漬指亦漬手即不痛水微暖便

痛即以冷水漬小暖即易之餘處冷水浸故布以

搗之此實大驗

肘後備急千金必效文仲同

又方

蠟有雌雄雄者止痛在一處雌者痛牽諸處若是雄者用井底泥敷之溫則易雌者用當屋及溝下泥塗之若不值天雨可用新汲水從屋上淋下於下取泥敷之

又方

畫地作十字取上土水服五分匕

並出第一卷中

千金療蠍毒方

取齒中殘飯敷之又以猪脂封之又以射蔞封之

又方

硃砂和水塗上愈

救急同

凡一切螫毒之物見必不得起惡心向之亦不得殺之若輒殺之於後必遭螫慎之慎之治亦難差

又方

嚼茱萸以封之立愈

又方

生烏頭末唾和塗之良

崔氏療蠍螫人方

取人參嚼以敷痛處立差又以黃丹塗之差

又方

深削桂心醋磨塗之立定

又方



滴蠟燭熱脂於螫處三兩度易之 並出第五卷中

備急療蠍螫人方

蜀葵花

石榴花

艾心

右三味等分並以五月五日午時取陰乾合搗和水  
塗螫處立定花取未開者

張文仲同

又方

溫湯浸之 肘後崔氏同

又方

按馬莧菜封之差

肘後備急文仲同

又方

嚼乾薑塗之差

肘後備急文仲同並出第八卷中

必效療蠍咬人方

溫酒以漬之又擣豉作餅如錢大貼螫處以艾灸  
七壯問被咬人云是物遣報云蠍螫即語云沒所  
苦語訖即私向一處翻一瓦還安舊勿使其人知  
迴更問差未遣報云差訖即痛止神效

古今錄驗療蠍螫人方

取苦李子仁嚼以封之即差

又方

按蛇銜取汁以敷之差

又方

以木椀率取此螫處即以木椀合之便差神驗

又方

按鬼針草取汁敷之即差

又方

五月五日取菟葵熟搗以遍塗手至後日中時然後洗手若有人被螫以手摩索應手即差

又禁蠍螫人法

呪曰繫

胡計反

梨乎俱尚蘓婆訶於五月五日桑木

正北陰中菟葵日正午時先七步至菟葵此右膝著地立左膝手摘取菟葵子摘取著口中熟嚼吐著手內與五葉草菟葵等相和若無子直取二葉

相和於手內左轉接之口陰誦前咒七遍一吐氣  
得一百八遍止所接葉令汁出染手其葉還放置  
菟葵處起勿反顧之一日一夜不得洗手亦不用  
點汚手內亦不得人知作此法不得人見被螫者  
口問云何處即陰咒七通男以左手摩螫處口云  
差去若猶小疼痛者男掐左手無名指第一節內  
側文頭陰呪掐之女掐以右手指以右手摩螫處  
其菟葵私取移種於桑北五葉草處處有之耳

又甄立言以此蠍毒陰蛇即非蜂蜈蚣之輩自有小小  
可忍者有經一日一夜不可忍者京師偏饒此蟲通用  
諸藥塗敷不能應時有效遂依角法以意用竹依作小  
角留一節長三四寸孔徑四五分若指上可取細竹作  
之纔令搭得螫處指用大角角之氣漏不啞故角不厭  
大大即啞急差速作五四枚鑊內熟煮取以角螫處冷  
即換初被螫先以針刺螫處出血然後角之熱畏傷肉  
以冷水暫浸角口二三分以角之此神驗不可以口啞

毒入腹殺人甄公云灸即差以熱角啣之無火灸也

並出

第四十

五卷中

蠮螋尿方二十二首

千金療蠮螋蟲尿人影便令人病其狀身中忽有處瘡  
痛如芒刺亦如刺蟲所螫處後起細痞癰作聚如茱萸  
子狀四邊赤中央有白膿如黍粟亦令人皮肉急舉身  
惡寒壯熱劇者連起盡腰脇胃也療之法初得之便磨  
犀角塗之上其毒療如火丹法余以武德中六月得此

病經五六日覺心悶不佳以他法療之不愈有友人教  
畫地作蠮螋形以刀細細畫取蠮螋腸中土就中以唾  
和成泥塗之再塗即愈方知天下萬物相感難曉其由矣

又方

羚羊鬚燒灰臘月猪脂和以封之差

又療蠮螋尿方

熟嚼梨葉以封之乾復易之

又方



取馬鞭草爛擣以封之乾復易差

廣濟療蠅虻尿繞腰欲死方

取敗蒲扇煮汁塗之

又方

菰豆葉擣塗之

並出第  
卷中

深師療蠅虻尿方

取鵲巢中土以苦酒和敷之

又方

以雞子和白礬敷之侵淫為廣以大蒜磨研書墨塗之一方以胡粉塗之一方以猪膏塗之又燒蒲

灰敷之

並出第二十九卷中

集驗療蠅蝮尿瘡方

燒鹿角搗末以苦酒和敷之已有汁者燒道邊弊

蒲蓆灰以敷之

深師千金并翼文仲同

又方

槐白皮

半斤切

苦酒

二升

右二味漬半日刮去瘡處以洗日五六遍末赤小豆

和苦酒敷之燥即易之小兒以水和敷之甚良

千金并翼

文仲深  
師同

又方

嚼大麥以敷之日三

千金同

又方

豬脂和鷺巢中土敷之

千金同並出第九卷中

千金翼療蠅螬尿瘡方

取茱萸東引根下土以醋和塗之

又瘡表裏相當一名侵淫瘡方

取猪牙車骨年久者搥破燒令脂出及熱塗之

千金同

又方

取棟木枝若皮燒灰敷之乾者以猪膏和敷并主

小兒禿及諸惡瘡

深師同出第二十四卷中

崔氏療蠅虻尿瘡習習然黃水出者方

取韭擣取汁以塗之

又方

煮甘草湯洗之

又方

嚼桂塗之

又方

絞馬屎汁洗之

又方

嚼麻子塗之

又方

令患人於日裏立側近作沸湯微取以淋患人影  
令當所患瘡處六七度仍遣人熟嚼蒜以嚙患人

影中患處口中餘蒜氣即真嚙患人瘡上愈

並出第五卷中

救急蠅虻尿方

取鷺窠和醎醋塗之大良

出第五卷中

惡耗方三首

必效療惡耗已洪腫者并差方

取棟木根并皮切一升以水三升和煎取二升適寒溫浸洗瘡冷即易再三差

又惡蚝已洪腫爛者方

乾薑

水銀

猪脂

臘月者

右三味揉令相得即置丸向碗中燒以竹筒籠上熏所腫處未熏先破兩處然後熏即差

又方

取胡蔥於塘火中煨令軟即出以紙隔手按令破

以搗瘡上以痛定為度

李饒家多用神效  
並出第十六卷中

### 蠱螫方二首

肘後論云此蠱字作蠱字所謂蜂蠱作於懷袖賁育為之驚恐言其小而有毒起乎不意也世人呼蠅蚘為蠱子而未嘗中人乃言不可螫人雷鳴乃放想亦當極有毒書家呼蠅蚘為守宮本草云守宮即是蜥蜴如東方朔言則兩種物矣今蜥蜴及蛇醫母並不螫人蜥蜴有五色具者亦云是龍不可殺之令人震死今又有一小



烏蟲子尾有翹世人呼為甲蟲而尾似車緩兩尾復言  
此蟲是蠱未詳其正矣

又療蠱螫人方

擣常思草絞取汁以洗瘡

出第八  
卷中

古今錄驗蠱螫人方

取屋雷下土水和敷之立愈

出第四十  
五卷中

射工毒方一十九首

備急論射工毒江南有此射工毒蟲一名短狐一名蜮

常在山間水中人行反入水中此蟲口中有橫骨狀如角弩即以氣射人影則病其診法初得時或如傷寒或似中惡或口不能語或身體苦強或惡寒壯熱四肢拘急頭痛旦可暮劇困者三日則齒間血出不療則死其入中有四種初覺即遍身視之其一種正如黑子而皮繞四邊爰赤以衣被犯之如芒刺狀其一種作瘡瘡久則穿陷其一種突起如石癰狀其一種如火灼人肉起作瘡此種最急能殺人居此毒之地天大雨時或逐行

潦流入人家而射人又當養鵝鵝見即食之船行將純  
白鵝以辟之白鴨亦善帶好生金犀角麝香並佳又若  
見身中有此四種瘡處便急療之方

急周繞遍去此瘡邊一寸輒灸一處百壯瘡上亦

百壯大良

肘後同

又療射工毒方

白雞屎白者二七枚以水湯和塗瘡上

必效文仲  
備急千金

肘後同並出  
第九卷中

肘後初見此瘡便宜療之方

便水磨犀角塗之燥復塗亦取細屑和麝香塗之

一方云服一方寸匕

又方

以白梅皮裹豉母蟲吞至六七枚勿佳

本方云取水上浮走

豉母蟲一枚  
置口中便差

又射工毒蟲正黑狀如大蜚生嚙髮而形有雌雄雄者口邊有兩橫角角能屈伸有一長角橫在口前弩檐臨

其角端曲如上弩以氣為矢因水勢以射人人中之便  
不能語冬月並在土中蟄其上雪不凝氣蒸休休然人  
有識處掘而取帶之溪邊行亦往往得此若中毒仍為  
屑與服夏月在水中則不可見乃言此蟲含沙射人影  
便病欲度水先以石投之則口邊角弩發矣若中此毒  
體覺不快視有瘡處便療之療之亦不異於溪毒  
又方

取皂莢一挺長一尺二寸者搥碎以苦酒一升煎

如錫去滓敷毒上

文仲備急同

又方

取馬齒莧搗飲汁一升滓以薄瘡上日四五遍良

文仲備  
急同

集驗療射工毒中人寒熱發瘡偏在一處有異於常方

取赤莧合莖葉搗絞取汁服一升日再三服

千金  
備急

文仲必效刪繁肘後同姚  
云服七合日四五服

又方

犀角

升麻

烏翬根

各二兩

右三味以水四升煮取一升半去滓分再服相去一

炊久盡更作

千金同

又方

取生茱萸莖葉一虎口斷去前後取握中者熟擣

以水二升煎取八合頓服之

千金同

又療射工中人瘡有三種一種瘡正黑如壓子皮周遍  
悉赤或衣犯之如有刺痛一種作瘡瘡久則穿或晡間

寒熱一種如火灼燂起此者最急數日殺人此病令人  
寒熱方

烏嬰根 二兩

升麻 二兩

右二味切以水三升煮取一升適寒溫頓服之滓薄

瘡上

肘後千金文仲備急同古今錄驗  
云烏扇無根用葉出第一卷中

千金療射工初中未有瘡但憎寒凜凜及其成瘡似蠅  
蝮尿亦以瘰癧狀方

取芥子搗熟苦醋和厚塗瘡上半日痛便止

古今錄  
驗同



又方

取狼牙葉冬取根枝擣之令熟薄所中處又飲四

五合汁

又云山中草木上石蛭著人則穿嚙肌肉行人肉中侵淫墳起方

灸斷其道即愈

又凡入山路行草木中常以臘月猪膏塗脚足指間跌上及著鞋處蛭不敢著人

又江南毒氣惡核似射工暴腫生瘡五香散方

甲香

犀角

屑

鼈甲

炙令黃

薰陸香

升麻

烏翬根

吳茱萸

沈香

丁香

各三分

黃連

羚羊角

屑

牡蠣

熬

甘草

炙

黃芩

各四分

黃蘗

六分

右十五味為散水服方寸匕日三服又以雞子白和

塗上乾易之以水和少許洗上忌菹菜猪肉海藻

出第

二十六

卷中

救急療射工毒方

取葫蒜切貼瘡灸七壯良

古今錄驗療射工中人已有瘡者方

取蜈蚣大者一枚炙擣末以苦酒和敷瘡上痛便

止

千金同

溪毒方二十一首

肘後中溪毒論葛氏云水毒中人一名中水一名中溪  
一名中灑一名水病似射工而無物其診法初得之惡

寒頭微痛目眊疼心中煩懊四肢振煖腰背骨節皆強  
筋急兩膝疼或翕翕而熱但欲睡旦醒暮劇手足逆冷  
至肘膝二三日則腹中生蟲食人下部肛中有瘡不痛  
不痒不令人覺視之乃知耳不即療過六七日下部膿  
潰蟲上食五藏熱盛煩毒注下不禁八九日良醫所不  
能療之覺得之急當早視下部若有瘡正赤如截肉者  
為陽毒最急若瘡如蠡魚齒者為陰毒猶小緩要皆殺  
人不過二十日也欲知是中水當作數斗湯以小蒜五

升咬咀投湯中莫令太熱熱即無力去滓消息適寒溫以浴若身體發赤斑文者是也其無者非也當作他病

療之

文仲千金翼備急同

又療中水毒方

取梅若桃葉搗絞取汁三升許為二服或乾以水

絞取汁極佳

集驗文仲備急千金同姚云小兒不能飲以汁敷乳頭與之

又方

取常思草搗絞汁三升飲之妙并以綿裹導下部

中日三差

文仲備  
急同

又方

搗藍青汁以少水和塗頭面遍身令匝

文仲千金  
翼備急同

又方

取蓼一把搗以酒一升和絞服之不過三服

文仲  
千金

翼備急云肘  
後用梨葉

又方

取大莓連根

右一味擣作屑服之亦可投水擣絞汁飲一二升并導下部生蟲者夏月常行多齋此屑欲入水浴先以少屑投水上流便無所畏又辟射工家中雖以器盛水

浴亦常以此屑投水中大佳

文仲千金翼備急同

又今東間諸山州縣人無不病溪毒每春月多得亦如京都傷寒之狀呼為溪溫未必皆是射工輩爾亦盡患瘡痢但寒熱煩痛不解便死耳方家療此用藥與傷寒溫疾頗相似今復疏其單療於此方

東向三两步即以手左一攪取水將蒜一把熟擣以酒漬之去滓可飲兩杯當吐得吐便差此方甚效

備急療溪毒方

取五加根燒末以酒若漿服方寸匕

肘後文仲  
備急同

又方

燒鮫魚皮以飲服方寸匕立差

又方



荊葉搗汁飲之佳

肘後同

又方

搗柴姑以塗之腰背諸處柴姑生東間細葉如蒜  
狀

又方

烏蒜一枚搗以酒和服半升得吐即差又名烏韭  
山中甚多

又若下部生瘡已決洞者方

取秫米一升鹽五升水一石煮作糜坐中即愈

文仲

備急同肘

後並同

又方

取桃葉艾葉擣熟以水漬之縱取濃汁去滓著盤

中坐有白蟲出差

文仲備急同肘後云  
取桃皮葉無艾葉

又方

燒皂莢擣末以綿裹導之

又方

以鹽和皂莢末搗之綿裹導之

又方

末牡丹屑以飲服方寸匕日三

又其土俗有療之術方

初覺便取溪蒜薤葉桃葉剉一觔蒸使遍熱出布  
席上解衣卧上厚覆衣被大汗良久出拭之勿見  
風則差已五六日恐毒入腹不可救爾應先服藥  
東間諸山有大木名埋檀枝葉上似梨冬不凋剝

取白皮皮重疊如紙搥破煮服一升日夜六七遍  
無生者預取乾之亦單用茜根白蘘荷根藍青汁  
並佳若卒無根皮亦可單用藍汁可服之亦可都  
合煮取汁漬之若患腹中痛恐轉成蠱噉人腹藏  
者取猪脂二升熬令燥水一斗絞取汁稍稍服之

並出第

八卷中

### 千金療溪毒方

取大蒜十枚合皮安熱灰中炮令熱刀切斷頭以

柱所著毒處

文仲備急  
崔氏同

又方

雄黃

朱砂

常山

各等分

右三味五月五日午時使童子擣合之

出第二十  
六卷中

張文仲療溪毒方

取蓼擣取汁服一二升又以塗周匝差

又方

取雄牛膝根一把擣水酒共一升漬絞取汁飲之

日三雄牛膝莖白紫色者是

出第十卷中

沙蟲毒方六首

肘後中沙蟲毒論云山水間多有沙蟲其蟲甚細不可見人入水浴及汲水澡浴此蟲在水中著人及陰雨日行草中即著人便鑽入皮裏其診法初得之皮上正赤如小豆黍米粟粒以手摩赤上痛如刺過三日之後令人百節強疼痛寒熱赤上發瘡此蟲漸入至骨則殺人凡在山澗水澡浴畢熟以巾拭身中數過又以故帛拭

之一過乃敷粉也今東間水無不有此洗浴畢以巾拭  
燥燥如甚毛針刺熟看見處仍以竹葉抄拂去之比見  
嶺南人初有此者即以茅葉刮去乃小傷皮膚為佳乃  
數塗苦苣菜汁差已深者用針挑取得蟲子正如疥蟲  
著爪上映光方見行動也挑不得便就上灸三四炷則  
蟲死病除若止兩三處不能為害多處不可盡挑灸若  
猶覺惛惛是其已大深便應依土俗作方術出之并作  
諸藥湯以俗皆得一二升沙出沙出都盡乃止若無方

術痛飲番酒取醉亦佳如其無則依此方為療并雜用  
前中溪毒射工法急救七日中宜差不爾則仍變成溪  
毒如薤葉大長四五寸初著腹脅腫如刺則破雞搗之  
蟲出食雞或三四數遍取盡乃止兼須服麝香犀角護  
其內作此療之彼土有中之者不少呼此病為蚺呼故切

沙蟲吳音名沙作盜護如鳥長尾盜者言此蟲能招呼  
溪氣東間山行無處不有其蟲著人肉不痛不即覺者  
久久便生子在人皮中稍攻人則為癰山行宜竹管盛



鹽數視體足見者以鹽塗之便脫雜少石灰尤良亦斷血而辟水溫

又療沙蟲毒方

以少許麝香傅瘡上過五日不差當用巴豆湯服之一日輒以巴豆一枚二日二枚計為數并去皮心以水三升煮取一升盡服之未差即更可作服之

文仲備急同

又方

斑猫二枚熬一枚研末服之燒一枚令煙絕末著

瘡中

千金文仲  
備急同

又方

取麝香大蒜合擣以羊脂和著筒中帶之行大良

千金

同

刪繁療沙蟲方

以鹽五合以水一斗煮一沸以漬洗瘡

出第十  
卷中

必效療沙蟲方

初著有赤點如米以鹽和麝香塗之差

犬咬人方九首

肘後犬咬人方

取竈中熱灰以粉上畢裏縛之

千金同

又方

乾薑末服二方寸匕薑汁服半升亦良

集驗療凡犬咬人方

以苦酒和灰塗之良

千金同

千金療凡犬咬人方

燒犬尾灰敷之日二又燒自死蛇灰末敷瘡中

又方

桃東南枝白皮一握以水一升煮取五合服之

又方

莨菪子七枚以水服之日一度差止

又方

梅子末以酒服之

又方

以臘月鼠一枚以猪脂煎如膏去滓候凝以塗之  
古今錄驗療凡犬咬人方

先以水洗瘡任血出勿止之洗勿任取血自止以  
帛裹之即差

狂犬咬人方二十二首

千金論曰凡春末夏初犬多發惡狂必誠小弱持杖預  
以防之而不免者莫出於灸百日之中無闕一日者方

得免難若初見瘡差痛定即言平復者此最可畏大禍  
即至死在旦夕凡狂犬咬人著訖即令人狂精神已別  
何以得知但看灸時一度火下即覺心神中醒然方知  
咬已即狂是以深須知此此病至重世人皆輕之不以  
為意坐之死者每年常有之臣昔初學醫未以為業有  
人遭此將以問臣臣了不知報答以是經臣手而死者  
非一由此銳意學之一解以來療者皆愈方知世無良  
醫枉死者半此言匪虛故將來學者非必此法餘一一

方皆須沈思留作心意勤學之乃得通曉莫以初解一  
兩種法即謂知說極自誤也因方申此一言言不盡意  
耳

又療狂犬咬人方

蛇脯一枚去頭炙擣末服五分匕日二

又方

服青布汁三升

又方

飲驢尿一二升良

又方

搗莨菪根和鹽以敷之日三度

肘後療猢猻犬咬人方

先啣去惡血乃須灸瘡中十壯明日以去日灸一

壯滿百日乃止忌酒

千金文仲備急小品古今錄驗同

又方

搗地榆根絞取汁塗瘡無生者可取乾者以水煮汁飲



之過百日乃止日末服方寸匕日三兼敷瘡上

千金同

又方

搗薤絞取汁敷之又服一升日三須瘡差乃止亦

治已差復發者

千金同

又方

以豆醬清塗瘡日三四差

千金同

小品療狂犬咬人方

刮狼牙或虎牙骨末服方寸匕已發狂如獠犬者

服此藥即愈

肘後同

又方

頭髮狷皮燒作灰末等分和水飲一盃若或已目

赤口噤者可折齒灌之

肘後千金同

又方

搗地黄汁飲之并塗瘡上過百日止

肘後同

又衆療不差毒攻人煩亂噤已作犬聲者方

通按噤音董多言動也

髑髏骨燒灰末以東流水和服方寸匕以活止凡

狂犬咋人七日輒應一發過三七日不發則免也

要過百日乃為大免每至七日法當擣薤

一作汁

飲二三升又當終身禁食犬肉蠶蛹若食此發則不可救之瘡未差之間亦忌食生魚諸肥膩肉及諸冷食但於飯下蒸生魚及就臙器中食便發不宜飲酒能過一年乃佳

又若重發者療之方

生食蟾蜍膾絕良亦可燒炙食之不必令其人知

初得嚙便為此則不發

集驗文仲千金備急肘後同姚剝作膾吞蒜薑下也

又方

搗生薑汁一升以來服之佳

崔氏療狂犬咬人方

凡被狂犬咬即急啣去血急吐之勿錯嚙之然後  
搗杏仁和大蟲牙捻作餅子貼瘡上頓灸二七壯  
從此以後每日灸一兩壯貼杏仁餅子灸之須要  
滿百日乃止百日內必莫使大差如無大蟲牙可

單用杏仁亦得狂狗咬人每至七日即合一發值  
至七日即須搗韭汁服一大合日再服之縱非至  
七日值一日兩日服一兩合大妙如冬月無可取  
韭根搗汁服之又三兩日取杏仁一合搗碎熟研  
濾取汁和大蟲牙齒無牙齒骨亦可用熟煎取一  
大升汁又燒竹瀝一合以和杏仁酪汁更煎一兩  
沸分三服一日使盡又取所咬犬腦以塗瘡大佳  
取大蟲牙齒末或大蟲脂塗之便佳

又方

以大蟲骨灰和杏仁膏以塗之甚良

又急療狂犬啣人無問深淺者方

初被咬便以冷水洗令血斷封裹著如其瘡大及  
深宜放流水中浸之血斷依法封裹更不用餘裹  
忌風千萬不畏凡初被咬即覓一切物與喫後不

發也

出第八  
卷中

必効療狂犬咬方

梔子皮

燒灰

石硫黃

末

右二味搗為末敷瘡日一易

救急同

又方

取蚯蚓糞水和之如泥以封之上有毛以毛盡即差

又方

驢屎汁飲一升即差

又方

杏仁

切去尖

豆豉

各一兩

韭根

一握淨洗

右三味搗為餅可瘡大小厚一二分貼咬處大作艾炷以灸餅上熱徹即差

又方

虎骨

石灰

右二味以臘月猪脂和作餅子暴乾搗末以敷之良

並出第

六卷中

猪鬣人方二首



千金療猪嚙人方

鍊松脂貼上

又方

屋雷中泥以敷之

並出第二十六卷中

馬咋踏人方四首

肘後療馬咋及踏人作瘡有毒腫熱疼痛方

灸瘡中及腫上即差

又方

取婦人月經敷之最良

姚云神效

集驗療馬咋及踏人作瘡有毒腫熱疼痛方

割雞冠血點所嚙瘡中日三若父馬用雌雞母馬

用雄雞

肘後同

千金療馬咬人及踏人作瘡毒腫熱痛方

取馬鞭梢三尺鼠屎二七枚燒末以猪膏和塗之

立愈

備急小品集驗必效古今錄驗同出第二十六卷中肘後云取馬鞭梢二寸

剝死馬馬骨傷人方三首

肘後療剥死馬馬骨傷人手毒攻欲死方

取死馬腹中屎以塗之即差

集驗千金備急古今錄驗小品同

集驗療剥死馬馬骨傷人手毒攻欲死方

絞飲其矢汁燒末服方寸匕

備急同出第九卷中

古今錄驗療剥死馬馬骨傷人手毒欲攻死方

服人屎汁

出第四十五卷中

馬骨所刺及馬血入舊瘡方八首

肘後療馬骨所刺及馬血入舊瘡中毒痛欲死方

以熱桑灰汁更番漬之常目為之冷即易數日乃  
愈若痛止而腫不消煮炙石令熱以熨之灸瘡上

亦佳

集驗千  
金同

又方

擣脈子以水絞取汁飲一升日三服

又方

酒漬馬目毒公少少飲之

小品療馬骨所刺及馬血入攻人瘡中毒痛欲死方

人糞泥之又搗馬莧敷之

出第十卷中

刪繁療馬骨刺人馬血入人瘡孔方

馬糞乾者止一物粉瘡孔上搗瘡口也

又方

雄黃

乾薑

右二味等分搗末內瘡口中即差

又方

大小蒜搗熬煖用敷瘡上

又方

以熱湯數淋瘡上即差

並出第十卷中

馬汗及毛入人瘡中方六首

肘後療人體上先有瘡而乘馬馬汗及馬毛入瘡中或但為馬氣所蒸皆致腫痛煩熱入腹則殺人方

燒馬鞭皮以猪膏和敷之

備急千金集驗同

又方

以水漬瘡數易水漬之

千金備急同

又方

以石灰敷上

千金備  
急同

集驗療人先有瘡而乘馬馬汗若馬毛入瘡及拂略著

致令腫痛方

大飲醇酒取醉即愈

肘後千金同  
出第八卷中

千金療馬汗入人瘡方

燒雞毛末以酒服方寸匕

集驗  
同

又方

煮沸湯及熱以漬之冷復易之

小品同出第二十六卷中

驢馬諸疾方三十一首

救急夫六畜之中唯馬最為貴致遠之勞賢愚所要或  
在戎漠或居村落忽患急黃黑汗等諸疾將息水草之  
宜人間之要次之君子所附卷末傳以意焉凡騎馬遠  
行初到先與空剉草刷畢飲水飲水畢然後與粟豆等  
若先與粟豆等或水穀并必致馬病也

出第九卷中

肘後療馬熱蟲顙黑汗鼻中有膿腔水草不進方



黃瓜樓根

貝母

桔梗

大青

梔子仁

吳藍

欵冬花

大黃

白鮮皮

黃芩

鬱金

各二  
大兩

黃蘗

馬牙硝

各四  
大兩

右十三味擣篩患相當及常要啖重者藥三大兩地黃半斤豉二合蔓菁油四合和合齋前啖至晚飼大效又蟲顙重者方

葶藶子

一合熬令紫色  
擣如泥

桑白皮

一大  
握

大棗

二十  
枚擘

右三味以水二升煮取一升去滓入葶藶合調勻適寒溫灌口隔日又灌重者不過再差

又療馬脊瘡方

黃丹敷之避風即差

又療馬羯骨脹方

取四十九隻羊蹄燒之熨骨上冷即易之如無羊蹄楊柳枝指麤者炙熨之不論數差

又療馬後冷方

豉葱薑各一兩水五升煮取半和酒灌之

又療馬目暈方

霜後乾楮葉細為末日兩度管吹眼中差

又療馬疥方

大豆熬焦和生油麻擣敷之醋泔淨洗

又方

樗根末和油麻塗之先以皂莢水或泔淨洗之洗了塗令中間空少許放蟲出不得多塗恐瘡大

又方

巴豆

去皮心

膩粉

右二味研以油麻油和塗先洗之塗數日看更驗

備急療驢馬蟲顛方

生地黄

汁一升

桑根白皮

五兩

紫苑

三兩

射干

二兩

麻黃

一兩

蔥白

一斤

蘇合

二合

蜜

一合

右八味切以水一斗五升煮取八升去滓內麝香末

一豆攪調作兩度灌之當灌每取早朝食時飲水三

分與一分至午時三分與二分至夜使足明日還依前法與之其藥更加地黃及蔥白蜜鼓以水三五升煮取多少依前加麝香少許自餘將息一依前法當灌時高舉頭勿使藥汁射肺則藥汁不出斟酌藥入即不得用全高每灌皆取一雞子汁分灌兩鼻孔中若氣力弱隔日灌之若神強頻日灌之若輕者兩三度灌之即差灌後三兩日伺候看鼻中膿絕噤斷即差如不斷用後法桑白皮一斤細切以水三升煮取

一升去滓每旦灌鼻孔中灌時入研麝香一豆大佳  
又馬盞方

大黃

黃芩

鬱金

當歸

芍藥

紫苑

芎藭

白朮

牛膝

細辛

各一兩

右十味合搗末用湯調方寸匕以灌之

又療馬急黃黑汗方

割上斷訖取陳久靴爪頭水漬汁灌口如不足用

大黃當歸各一兩鹽半升以水三升煎取半分兩

度瀝口如不定破尾使骨纔血即止

肘後同

又療馬起卧胞轉并腸結並用此方

細辛

防風

芍藥

各一兩

鹽一升

右四味切以水五升煮取二升半去滓分二度灌後

前灌方

芒硝

鬱金

寒水石

大青

各一兩

右四味切以水五升煮取二升去滓以油酒各半升

和調分二度灌口

肘後同

又療馬心黃并肺熱方

大黃

黃芩

芍藥

細辛

各一兩

右四味切以水五升煮取二升半油半升酒半升調和分為三度灌口如不定鹽半升水一升半溫如人

肌和鹽灌後即定

又春冬灌馬方

大黃

鬱金

黃芩

細辛



芍藥

桔梗

升麻

麻黃

大青

茵陳

白朮

芒硝

寒水石

朴硝

各一兩

右十四味搗為散若春灌即和雞子油量水多少攪調灌口若冬灌即切以煎之訖冷和油及酒灌口又療馬蟲顙十年以上灌鼻一兩度無不差方

醬清和膽半合攪令調分兩度灌鼻每一灌停一兩日將息不得傷多多即傷馬故錄之令知

肘後同

又療馬蟲額方候馬鼻沫出梁腫起即不可療

硃砂

二酸棗  
許研

猪脂

臘月者二  
雞子許

右二味先研硃砂令極細為末然後熬猪脂及硃砂煎一沸停如人肌高仰馬鼻以灌之一炊久若患一鼻減藥之半兩鼻患兩鼻中灌之一鼻患一鼻中灌之灌鼻後一二日更有熏法如後菴若子別擣藜蘆穀精草乾膝葶藶子別擣各等分為末相和以麻撚如燭燒一頭內馬鼻中令烟入效仍仰馬頭令稍高

又療馬驢胞轉欲死方

搗蒜內小便孔中深五寸立差又用小兒尿和水灌口立差

又方

騎走上坡用木腹下來去捺以手內大孔中掇却

糞大效探法剪却指甲以油塗手恐損破腸也

肘後同

又方

但以鹽四升人尿和灌口

又方

搗蒜三升哺之小馬分半

又療馬患月怜方

取鬼微熟按指之立差鬼微如地菌夏月得濕多

聚生糞中見日消黑者是

又療馬食著地膽等蟲輒困脹悶立死方

取桑根入地一尺者去黃皮剉之以水煎取濃汁

急灌口止毒勝甘草

又療馬噉方

取麻子一斗飼之立定若腔及色焦與喫即光澤

肘後

同

又馬跂蹄方

於馬樞下當馬前脚闊一尺許掘渠深一尺許取石

如雞子許大滿中填實令馬立其上兩日即差

肘後同

又馬每月一兩度灌油鹽永不著黃方

以油一小升鹽一小合和以灌口瘦弱馬以意量之

又馬脊瘡方

取馬通汁及熱遍瘡上塗之

又療馬疥方

雲花草

一兩狀如麻黃而堅實

熏黃

二兩

附子

一枚用藜蘆二兩神效

右三味搗末生麻油和之以泔清皂莢洗之日中少時令水乾後傳藥不過五六遍無不差韓五家盛談

效驗但苦不識雲花

出第九卷中

又療馬筋癢方

硃砂

藜蘆

槐子

葶藶子

各半兩

熏黃

石硫黃

黃蘗

巴豆

烏麻

各少許

蜜

猪膏

各半兩

右十味搗為末蜜猪膏和藥如泥敷瘡方

又方

取一杯酒酢并麥米等相和令調塗布上重裹上用麻纏每敷先以鐵漿汁洗病拭乾塗藥日再差止

牛狗疾方六首

肘後療牛疫病方

取獺屎三升以沸湯淋取汁二升灌之良

又療牛馬六畜水穀疫病方

取酒和麝香少許和灌之

又療六畜脊瘡焦痂方

以麪糊封之即落

又療牛脹方



以豬脂和小兒尿灌口差

又療牛喫菰首草誤喫地膽蟲肚脹欲死方

以研大麻子灌口差吹生葱亦佳

救急療犬疥方

蛇皮燒灰和粥與喫差

出第九  
卷中

牛觝觸腸出方一首

救急療牛觝觸腸出方

硃砂一大  
兩

乾薑二小  
兩

右二味為末塗損處腸即自入腸乾不入宜割去乾

處訖用粟穀葉為末以敷之即却入大良神妙

出第九卷中

油衣粘及松脂著人衣蟲蝕羶羶法五首

救急油衣粘法

以黃土泥水和如煎餅麪表裏塗之陰乾一宿以  
水濯去之不粘也

又羶被蟲蝕方

取吳茱萸搗末和麪作糊塗羶面煎茱萸汁刷之

其蟲永斷

又羶被蟲蝕方

刈取黃蒿有子者暴乾鋪羶中卷之令遍置閣上  
十年不蝕

又松脂著人手足及衣羶褥洗不去法

以嚼杏仁洗之立去除采色衣物等著車脂及油

膩等米研煮作飲洗之即不損緋紫碧綠

一云車脂嚼栗


以水洗之蠟以  
蜜水洗之極驗

又方

煮水便和皂莢洗佳以酒洗亦佳以蜜和湯洗之  
平復不損色並試有功雖是小事亦為切要以附

之服餌之末

出第九  
卷中



外臺秘要方卷四十